

Svar på brev frå Gloppen eldreråd 07.06.18.

Vi syner til brev frå Gloppen eldreråd til fylkeseldrerådet og Gloppen eldreråd peikar her på tre svært viktige utfordringar som vi i Pensjonistforbundet er opptekne av.

1. Endring av praksis rundt fornying av førarkort.

Vi syner m.a. til handlingsprogrammet som vart vedteke på landsmøtet for 2 veker sidan: «Gyldighet for legeattest i forbindelse med førarkort ved 75 og 78 år må følge fødselsdato og ikke utstedelsesdato for attestene. Det må være lik praksis over hele landet. Pensjonistforbundet foreslår at den unødvendige og fordyrende fornyelsen av førarkort i forbindelse med utstedelse av legeattest må forenkles».

For vår del vil vi notere oss at vi kontaktar Statens Vegvesen og får ein frå førarkortavdelinga med og orienterer styret, før vi fylgjer opp saka.

2. Pasientreiser.

Denne saka har vi arbeidd mykje med, både i fjor og i år. Vi starta straks vi fekk kjennskap til endringane, og fekk god informasjon frå Helfo-kontoret i Helse Førde. Vi fekk saka opp som sak på landsmøtet i år, og vann fram med vårt framlegg, noko som førde til fylgjande formulering i handlingsprogrammet: «Regelverket for pasientreiser må revideres, og regelverket må sette pasientens helse først». Også denne saka vil vi fylgje opp vidare.

3. Trykte rutehefte.

Her må vi vedgå at vi gjorde tapre forsøk for to år sidan, straks etter at rutehefta vart kutta ut, men resultatet vart magert både hos politikarar og byråkratar i fylkeskommunen. Men vi kan godt prøve ein gong til, vi set det på hugselista. Vi ser det som ein menneskerett at også dei som ikkje er heilt digitaliserte, skal ha tilgang til alle opplysningar dei treng for å delta i samfunnet på lik line med andre.

Til slutt: Det er positivt at eldreråda engasjerer seg i også i saker som går ut over eigen kommune, det treng vere mange som tek opp aktuelle saker.

Med helsing

Per Kjelstad (fylkesleiar)